

- 1^r Wer gern die wißheyt hört vnd lert
- 2^r Gentzlich zů jr sich all zyt kert
- 3^r Der würt jn ewikeyt geert



Die ler der wisheyt.

- 1 Die wißheyt schrigt mit heller stym
- 2 O menschlich geschlecht myn wort vernym
- 3 Vff bschydikeyt hant acht jr kyndt
- 4 Mercken all / die jn dorheyt synt /

5 S^uchen die ler vnd nit das gelt
 6 Wißhey^t ist besser dann all welt
 7 Vnd alles das man w^unschen mag
 8 Stellen noch wißhey^t nacht vnd tag
 9 N^ut ist das ir glich vff der erd
 10 Jn r^atten ist wißhey^t gar werdt
 11 All sterck vnd all f^ursichtikey^t
 12 Stot z^u mir eyn / spricht die wißhey^t
 13 Durch mich / die k^unig hant jr kron
 14 Durch mich / all gsatz mit recht vff ston
 15 Durch mich / die f^ursten hant jr landt
 16 Durch mich / all gwalt jr rechtspruch hant
 17 Wer mich *lieb* hat / den lieb ouch ich
 18 Wer mich fr^u s^ucht / der findt mich
 19 By mir ist richtum / g^ut / vnd ere
 20 Mich hat besessen gott der herre
 21 Von *anbegynn* jn ewikey^t
 22 Durch mich hat gott all ding bereit
 23 Vnd on mich ist gar n^ut gemacht
 24 Wol dem / der mich allzyt betracht
 25 Dar vmb myn s^un nit sint so tr^ag
 26 Sellig ist der gat vff mym w^ag
 27 Wer mich fyndt / der fyndt heyl vnd gl^uck
 28 Der mich ha^bt / der verdirbt gar dick
 29 Die plag w^urt ^uber narren gan
 30 Sie werden wißhey^t sehen an
 31 Vnd den lon / der drumb ist bereyt
 32 Vnd weren w^urt jn ewikey^t
 33 Das sie jnbl^utend *vnd* selbst sich
 34 Jn jamer nagent ewiklich

17 lieb] liel GW5046 21 anbegynn] abengynn GW5046 32 weren GW5046] werend
 GW5041 GW5047 33 vnd] fehlt GW5046